



Inatsisartunut ilaasortaq  
Aqqa Samuelsen  
Inuit Ataqatigiit

**Piitsuussutsimik akiuiniarneq pillugu iliuusissatut pilersaarutit pillugit § 37  
naapertorlugu apeqqummut nr. 089-2020-imut akissuteqaat**

17-06-2020  
Suliassap normua:  
All. id 14040068

Asasara Aqqa Samuelsen

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigassuaat  
(+299) 34 66 66  
E-mail: iian@nanoq.gl  
www.naalakkersuisut.gl

Apeqqutinnut qujanaq.

**1. Naalakkersuisooqatigiinnissamut isumaqatigiissut 29. maaji 2020-imeersumi qulequttami isumaginninnerup iluani allassimavoq "Piitsuussutsimik akiuiniarneq pillugu iliuuseqarnissamut pilersaarut suliarineqassaaq". Pingaartitat suut aallaavigalugit piitsuussutsimik akiuiniarneq periusissiorfigineqassava?**

Soorlu Naalakkersuisooqatigiinnissamik isumaqatigiissummi innuttaasut inuuniarnermikkut atugaat pitsanngorsarneqassasut Naalakkersuisooqatigiit isumaqatigiissutigaa. Inuiaqatigiinni innuttaasut toqqissisimaneq, patajaassuseq, ammaneq paasiuminassuserlu misigissagaat Naalakkersuisooqatigiit anguniagaraat.

Naalakkersuisooqatigiit isumaqatigiissutip nangissutaatut piujuartitsisumik ineriartortitsineq inuiaqatigiinnut aalajangiisuusoq aamma pisinnaatitaaffiit pisussaaffiillu pingaaruteqartuusut qitiutinneqartut ersarissaatigaat. Inuit tamarmik pisinnaasartik naapertorlugu akisussaaqataasariaqarput inuiaqatigiinnullu tapertaasariaqarlutik.

Naalakkersuisooqatigiit isumaqatigiissutaanni naleqartitat piitsuussutsimik akiuiniarnermi tunngaviusariaqarput.

Taamatutaaq piitsuussutsimik piujuartitsisumik akiuineq immikkoortortaqarfiit Naalakkersuisoqarfiillu apeqqutaatinnagit tunngaveqartariaqarpoq, piitsuussutsimmi annikillisanissaanut ilusilersukkamik aporfiit isumaginninnermut suliassaqarfiup aamma avataaniimmata. Taamatut suliaqarneq maannakkut suliniutini takuneqarsinnaavoq, tamatumani inuunermi atugarisat siuarsarneqassapput piitsuussuserlu annikillisinneqarluni. Naalakkersuisoqarfiit apeqqutaatinnagit suliniummi assersuut tassaavoq "Imminut pilersomerulerneq".

**2. Naalakkersuisooqatigiit "Piitsuussuseq Naligiinnginnerlu - Naligiinnginneq piitsuussuserlu kiisalu piitsuussutsimut killiliussassamik nunatsinni aalajangiussinissamut periarfissat pillugit nassuiaat" 2018-imeersoq sulinerminni toqqammavigissavaat?**

Nassuiaat piitsuussutsimik akiuniarnermut iliuusissatut pilersaarusiornissamut pitsaasumik tunngaviussaaq. Iliuusissatut pilersaarut aamma ilisimasanik nutaanik aallaaveqassaaq, ilaatigut maannakkut pisortanit ikiorsiissutit pillugit aaqqiinermik aaqjissuusseqqinnermik aamma angerlarsimaffeqanngitsunik qulaajaanermik, tamanna Socialt Udviklingscenterimit (isumaginninnermi ineriartortitsivimmit), SUS-imit isumagineqarpoq, aamma periaasissat, suliniutit isumaginninnermilu pilersaarutit attuumassuteqartut allat ilanngunneqarnerisigut.

Tamatuma saniatigut iliuusissatut pilersaarummut ilisimatigut tunngaviit piitsuussutsimi immikkuualuttorpassuarnut assingussaaq aamma piitsuussuseq tassaavoq sammisaq isumaginninnermut suliassaqarfik sinnerujussuarlugu inissisimasoq.

**3. Naalackersuisooqatigiit piitsuussutsimik akiuniarneq pillugu iliuuseqarnissamut pilersaarutertik qaqugu saqqummiutissavaat?**

Piitsuussutsimik akiuniarnermut iliuusissap piffissami Naalackersuisooqatigiiffiusumi ilisaritinneqarnissaa siunertaavoq.

**4. Inuit Ataqtigiit UKA2018-imi siunnersuuteqarput “Naalackersuisut kingusinnerpaamik UPA2019-imut Kalaallit Nunaanni pisortatigoortumik piitsuussutsimik killiliissummik aalajangersaanissaat pillugu Inatsisartut aalajangiiffigisassaattut siunnersuut.” Naalackersuisooqatigiilli allannguutissamik siunnersuuteqarput piitsuussutsip eqqumaffigineqarnissaannut Ukiumoortumik Aningaasaqarnikkut ingerlatsineq pillugu Nalunaarusiap sularinerani piitsuussuseq sammineqartassasoq. Imaappa tamanna naammagineqarunnaarluni piitsuussutsimik akiuniarnermut pilersaarusiornissaq maanna siunniunneqartoq?**

- a. a. Taamaassimappat; Suna taamaaliornermut tunngaviua?
- b. b. Taamaangippat; Sooq 2018-imi suliaq aallartinneqarsimasinnaagaluartoq pisariaqanngitsumik kinguarsarneqarpa?

Inatsisartut 2018-imi ukiaanerani ataatsimiinnermini aalajangerpaat Politikikkut Aningaasat pillugit Nalunaarusiami piitsuussutsip annertussusianik uuttuisoqassasoq. Taamaalliluni piitsuussutsip ineriartornerata nassuiarnissaanut aammalu malinnaavigineqalernissaanut uuttuut pingaaruteqartoq pilersinneqarpoq.

Naalackersuisooqatigiit uuttuutini iliuuseqarnissaminnik kissaatigisaqarput, taamaattumik piitsuussutsimik akiuniarneq pillugu iliuusissamik pilersaarut atorineqarpoq.

**5. Naalackersuisooqatigiit piitsuussutsimik akiuniarneq pillugu iliuuseqarnissamut pilersaarummik suliaqarnermini susassaqtut sorliit peqataatissamaarpat?**

- a. a. Apeqqutip akinissaanut massakkut piffissaq siusigineqarpat sooq Naalackersuisooqatigiit piitsuussutsimik akiuniarneq suliassatut saarlerpaatut isiginngilaat?

Naalakkersuisooqatigiit piitsuussutsimik akiuniarnissamut iliuusissatut pilersaarut piffissami 2020-2022-mi suliniutitut pingaartippaat. Naalakkersuisut soqutigisaqaaqatigiit attuumassuteqartut tamaasa peqataatinnialikkersaarpaat.

**6. Naalakkersuisooqatigiit isumaqatigiisumminni  
angerlarsimaffeqanngitsut illoqatigiiaartillugit misileraaviginiarlugit anguniarpaat.  
Tamanna inuup qanoq naleqassutsimi isigineranut qanoq  
sunniuteqarumaarnersoq taamatullu aamma inuiaqataasutut akisussaaffimminillu  
kivitseqataajumasutut misigitilernissaanut qanoq siunniuteqarumaarnersoq  
Naalakkersuisooqatigiit qanoq takorluukkeraaruteqarfigaat?**

Naalakkersuisooqatigiinnissamik isumaqatigiissut naapertorlugu angerlarsimaffeqanngitsunut misiligutaasumik sanaartornermik aallartitsisoqassaaq, tamatumani najugaqatigiiffeqarnermik periuseq misilerarneqassalluni.

Najugaqatigiiffinnik ilusilersuinissaq inuit akisussaaqataasariaqarnerannik aamma sapinngisaminnik ataatsimoorfimmuut tunniussaqaarnissaannik naleqartitat pillugit Naalakkersuisooqatigiinnissamik isumaqatigiissut malinneqassaaq. Tamanna aamma inunnut angerlarsimaffeqanngitsunut atuuppoq - soorluttaaq inuit allat tamarmik taamaattut - toqqissisimaneq, patajaassuseq aamma inuuniarnermi atugassarititaasunik piujuartitsisumik pitsanngorsaaneq.

Angerlarsimaffeqanngitsut pillugit suliassaqaarfimmik qulaajaaneq - taanna Socialt Udviklingscenterimit (isumaginninnermi ineriartortitsivimmit), SUS-imit isumagineqarpoq - aamma inunnut angerlarsimaffeqanngitsunut inissiasatut periutsit tigussaasut suliarineqarnissaannut ilisimasamik aamma tunniussaqaassaaq.

Inussiarnersumik inuulluaqqusillunga



Martha Abelsen